

**«ՀԱՐԿԱԴԻՐ ԱՃՈՒՐԴԻ ՀՐԱՊԱՐԱԿԱՅԻՆ ԾԱՆՈՒՑՄԱՆ
ԵՎ ՄԱՍՆԱԿԻՑՆԵՐԻ ԳՐԱՆՑՄԱՆ ԿԱՐԳԸ ՍԱՀՄԱՆԵԼՈՒ
ԵՎ ԱՐԴԱՐԱԴԱՏՈՒԹՅԱՆ ՆԱԽԱՐԱՐԻ 2006
ԹՎԱԿԱՆԻ ՕԳՈՍՏՈՍԻ 30-Ի N 167-Ն ՀՐԱՄԱՆԸ ՈՒԺԸ ԿՈՐՑՐԱԾ
ՃԱՆԱԶԵԼՈՒ ՄԱՍԻՆ» ԱՐԴԱՐԱԴԱՏՈՒԹՅԱՆ
ՆԱԽԱՐԱՐԻ ՀՐԱՄԱՆԻ ՆԱԽԱԳԻԾ**

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ԱՐԴԱՐԱԴԱՏՈՒԹՅԱՆ ՆԱԽԱՐԱՐ

_____ 2025 թ.

ՔԱՂ. ԵՐԵՎԱՆ

Հ Ր Ա Մ Ա Ն N ----Ն

**ՀԱՐԿԱԴԻՐ ԱՃՈՒՐԴԻ ՀՐԱՊԱՐԱԿԱՅԻՆ ԾԱՆՈՒՑՄԱՆ ԵՎ ՄԱՍՆԱԿԻՑՆԵՐԻ
ԳՐԱՆՑՄԱՆ ԿԱՐԳԸ ՍԱՀՄԱՆԵԼՈՒ ԵՎ ԱՐԴԱՐԱԴԱՏՈՒԹՅԱՆ ՆԱԽԱՐԱՐԻ 2006
ԹՎԱԿԱՆԻ ՕԳՈՍՏՈՍԻ 30-Ի N 167-Ն ՀՐԱՄԱՆԸ ՈՒԺԸ ԿՈՐՑՐԱԾ ՃԱՆԱԶԵԼՈՒ
ՄԱՍԻՆ**

Հիմք ընդունելով «Կատարողական վարույթի մասին» օրենքի 78-րդ հոդվածի
6-րդ մասը և «Նորմատիվ իրավական ակտերի մասին» օրենքի 37-րդ
հոդվածով՝

ՀՐԱՄԱՅՈՒՄ ԵՄ՝

1. Սահմանել հարկադիր աճուրդի հրապարակային ծանուցման և
մասնակիցների գրանցման կարգը՝ համաձայն հավելվածի:
2. Ուժը կորցրած ճանաչել Հայաստանի Հանրապետության
արդարադատության նախարարի 2006 թվականի օգոստոսի 30-ի «Հարկադիր
Էլեկտրոնային աճուրդի հրապարակային ծանուցման և մասնակիցների
գրանցման կարգը սահմանելու մասին» թիվ 167-Ն հրամանը:
3. Սույն հրամանն ուժի մեջ է մտնում «Կատարողական վարույթի մասին»
օրենքն ուժի մեջ մտնելու օրը:

Հավելված

Արդարադատության նախարարի

_____ թվականի

N -Ն հրամանի

Կ Ա Ր Գ

ՀԱՐԿԱԴԻՐ ԱՃՈՒՐԴԻ ՀՐԱՊԱՐԱԿԱՅԻՆ ԾԱՆՈՒՑՄԱՆ ԵՎ ՄԱՍՆԱԿԻՑՆԵՐԻ ԳՐԱՆՑՄԱՆ

1. Սույն կարգով սահմանվում է Հարկադիր կատարմունն ապահովող ծառայության (այսուհետ՝ Ծառայություն) կողմից անցկացվող հարկադիր աճուրդի հրապարակային ծանուցման և մասնակիցների գրանցման կարգը:
2. Հարկադիր աճուրդը կազմակերպվում է Էլեկտրոնային համակարգի կիրառմամբ:
3. Հարկադիր աճուրդի մասին հրապարակային ծանուցումը հրապարակվում է Ծառայության աճուրդի ինտերնետային պաշտոնական կայքում՝ www.ajurd.am (այսուհետ Կայք):
4. Հարկադիր աճուրդի մասին հրապարակային ծանուցումը պետք է պարունակի «Կատարողական վարույթի մասին» օրենքի 78-րդ հոդվածի 4-րդ մասով նախատեսված տեղեկությունները:
5. Հարկադիր աճուրդին մասնակցելու համար անձը կարող է կամ գրանցվել Կայքի միջոցով կամ այցելել Ծառայության վարչական շենք (մարզային ստորաբաժանումներ):
6. Կայքի միջոցով գրանցվելիս մասնակիցը մուտքագրում է հետևյալ տվյալները՝ անուն, ազգանունը, անձնագրի համարը, ծննդյան օր, ամիս, տարին, հեռախոսահամարը, հասցեն, սոցիալական քարտի համարը, գաղտնաբառը և Էլեկտրոնային փոստի հասցեն, իրավաբանական անձինք լրացնում են նաև կազմակերպության անվանումը և ՀՎՀՀ-ն:
7. Տվյալները մուտքագրելուց հետո մասնակիցը ստանում է օգտագործողի անունը (այսուհետ՝ օգտանուն), այնուհետև նախընտրած լոտի մեկնարկային գնի 5%-ի չափով նախավճար է մուտքագրում վճարային (Vpos) համակարգի միջոցով:
8. Ծառայության վարչական շենք այցելելու դեպքում մասնակիցը ներկայացնում է անձը հաստատող փաստաթուղթ (իրավաբանական անձինք ներկայացնում են նաև լիազորագիր), և լոտի մեկնարկային գնի 5% նախավճարը Ծառայության համապատասխան բանկային հաշվին

փոխանցելու փաստը հավաստող անդորրագիր, ինչպես նաև
համապատասխան էլեկտրոնային հասցեն:

9. Գրանցումից հետո մասնակցին տրվում է աճուրդի մասնակցության թերթիկ,
որտեղ նշվում են ծառայության ինտերնետային կայքի հասցեն, աճուրդի
մասնակցի օգտանունը, գաղտնաբառը, անձնագրային տվյալներ, ՀԾՀ-ն,
ծննդյան օր, ամիս, տարեթիվը, հեռախոսահամարը, էլեկտրոնային հասցեն:

10. Մասնակիցը հարկադիր աճուրդին մասնակցում է՝ Կայքի
համապատասխան դաշտում լրացնելով տրված օգտանունը և գաղտնաբառը: